





第二九六册

# 四庫全書

●上海古籍出版社

本冊目次

|   |   |   |   |   |
|---|---|---|---|---|
| 忠 | 宋 | 集 | 白 | 幔 |
| 肅 | 布 | 玉 | 谷 | 亭 |
|   | 衣 | 山 | 房 |   |
| 集 | 集 | 稿 | 集 | 集 |

|               |
|---------------|
| 明徐燾撰……………一    |
| 明孫傳庭撰……………一九七 |
| 明鄭所撰……………三七九  |
| 明宋登春撰……………五四三 |
| 明盧象昇撰……………五八九 |

欽定四庫全書

集部

慢亭集  
目錄  
卷一至三

欽定四庫全書

集部六

慢亭集目錄

別集類五  
明

卷一

古樂府

卷二

五言古詩

卷三

七言古詩

欽定四庫全書

卷四

五言聲詩

卷五

五言律詩

卷六

五言律詩

卷七

七言律詩

詳校官中書臣徐志晉

侍讀臣孫球覆勘

總校官庶吉士臣含聖脉

校對官主簿臣汪日贊

胥錄舉人臣曹夢齡

卷八

七言律詩

卷九

七言律詩

卷十

五言排律

卷十一

五言絕句

迴環讀  
四十首

欽定四庫全書

卷十二

六言絕句

卷十三

七言絕句

卷十四

七言絕句

卷十五

詩餘

臣等謹案幔亭詩集十五卷明徐燾撰燾字

惟和閩縣人萬厯戊子舉人燾負才淹蹇肆

力詩章圭臬唐人而不為決裂鉅釘之習卷

首有張獻翼序稱其調匪偏長體必兼擅力

返古則盡滌時趨所以推許者甚至又謝肇

淞謂其才情聲調足以伯仲高季迪微憾古

體不及朱彞尊靜志居詩話亦謂其七言絕

原本王江寧多情至語詳閱是集固非盡出

欽定四庫全書

標榜當明季詩道冗雜之時亦可謂蟬蛻穢

濁者矣閩中詩人自林鴻王蒙諸人以後即

推鄭繼之為冠燾生平喜稱繼之而卒年僅

三十九與繼之正同亦一異也集為其弟燾

所鐫燾字興公亦以淹貫見稱所撰有筆精

格陰新檢諸書俱別著錄云乾隆四十二年

十月恭校上

總纂官臣紀昀臣陸錫熊臣孫士毅

總校官陸費墀

欽定四庫全書

慢亭集  
目錄

慢亭集原序

詩豈易言哉求其成一家言良不易易況備諸體稱大家乎蓋工近體者或弱於古風長七言者或短於五字即王孟二氏盛唐名家一以清婉稱近體一以風骨雄古風且各擅所長況其他乎予友徐惟和氏永寧令名父之子也授玄肖諸童烏屬草方之文考少即抵掌而談秦漢奮力以挽風騷非晉魏之音絕口不談非六籍之書屏目不視蓋病乎世之法製以為體鉅釘以為詞

欽定四庫全書

慢亭集  
原序

故音非朱絃詞非黃絹寧棄去不屑就也弱冠嘗循例計偕登臺展驥都人欽遲朝列虛左詩歌本之古選興寄備乎開元彬彬然名家矣每停橈見過輒下榻信宿凡三眎予詩初見之已無杜德機矣再見之其善者機耶別去三易寒暑乃出慢亭集二帙予執簡嘆曰其衡氣機矣夫當其興寄於山川發憤於歲月周爰於驅馳宣情於羈旅由樂府而建五七言古由近體而至五七言絕調匪偏長體必兼善力追古則盡滌時趨可謂頭



頭是道重重發光矣又一字之工間奇而傾耳片言之巧親解而躍心紙價騰湧於都門蕭譜沒淫於禁掖雕章綺合藻思羅開行且上書鳳鳴解褐鴻漸探其襟抱將扶搖宇內宜區區搶榆所可控而笑哉閩中一時諸子昆弟咸追述大雅取裁風人作者響臻同好景附真足馳騁海內而惟和則獨步當時矣予歲方返暮筆硯却燒徒有輟翰毀草烏能述匠心之源究作者之概乎因不愛其散帙而答其請之意長洲張獻翼序

欽定四庫全書

懷亭集  
序

欽定四庫全書

懷亭集卷一

古樂府

飛龍篇

明 徐燭 撰

海上三神山中為僊人居金樓高崔嵬玉堂結綺疏朝東飛龍去翱翔登昇湖騁風周八極飄飄凌翥虛安期同遨遊八公相為徒看日扶桑顛朱藥崑崙區桑田有變遷人世多榮枯安得乞靈藥蛻此凡濁軀一朝生毛羽白日昇天衢

欽定四庫全書

懷亭集  
卷一

秋風辭

秋風搖落兮草木變衰白雲繚繞兮鴻鴈聲悲蘭為佩兮芙蓉為裳彼君子兮天一方鼓桂櫂兮度橫塘明星爛兮露為霜歌聲涕兮夜未央誓與君兮永不忘人生歡會兮安可常

悲愁歌



我之生兮在深宮嗟薄命兮事遠戎烏孫老兮語不通  
征塵起兮多悲風望故土兮心中忡羨黃鵠兮淚無窮

### 戰城南

戰城南死城北枯骨累累棄路側為我謂烏遊魂不歸  
奧腐將焉用飼汝安足悲陰雲漠漠寒雨瀟瀟黃昏古  
城下新鬼聲號咷陽九厄戰城南空累草七尺微軀我  
不惜老死蓬蒿竟何益願為忠臣忠臣誠可為茫茫穹  
虛掩骼為誰

欽定四庫全書

陳子集  
卷一

### 落葉哀蟬曲

西風兮吹襟蟬聲兮滿林古砌靜而葉落淒然感乎予  
心憶美人於閨房兮方歛袂而沉吟

### 野田黃雀行

朝來步野田田中有黃雀翩翩飛且鳴飲啄亦自若何  
期俠少年遽爾加贈繳置之樊籠中繫以黃金絡微物  
有至性安能事束縛悲鳴念故羣所志在林薄感此宗  
廟犧嘆彼並亭鶴何如辭網羅高翔在寥廓

### 飲馬長城窟行

飲馬長城窟水深沒馬腹朝發祈連山暮宿太原谷男  
兒事格鬪安能諱殺戮昨日新戰敗死者什五六殘血  
吹腥風屍骸路相續身死自不悲所痛在骨肉嗟哉杞  
梁妻哀哀城下哭

### 銅雀妓

日暮西陵望但見蒿與萊悲風起四野歌舞有餘哀漳  
河流不返總帳空塵埃荒臺久寂寞雄圖安在哉

欽定四庫全書

陳子集  
卷一

### 羽林郎

昔有羽林郎持戟出未央揮鞭過酒肆招搖都市傍酒  
家女二八顏色耀春芳黃金為條脫白玉為耳瑤越羅  
裁中裙齊紈製下裳服飾既璀璨膏沐尤馨香不意冶  
遊子停驂登我堂銀鞍耀紅日韞轐何輝煌提壺索美  
酒岸幘據胡床金刀贈鮮鯉烈火炮羔羊酒盡出門去  
婢媛結束腸已去復再返解贈玃羅囊君心一何苦君  
情一何長婦人貴遠別持此非所當還君玃羅囊妾非

青樓倡

車遙遙

車輪何遙遙出門不顧返輪豈不能迴君心自難輓聽此轉轉聲一聲一以遠看此兩行轍能令歡愛斷如何取者手不肯須臾緩散望君心回但願車輪爛

門有車馬客行

門有車馬客來從故鄉陌乍見雖可憐道舊反不憚試問舊親實存亡異疇昔別時諸兒童于今皆半百今時諸壯夫多非故相識舊人居新墳新人居舊宅里社既荒涼市朝多變易繁纍止壠間鬱鬱生松柏離別纔幾時光陰如此迫靜言思故鄉含情淚沾臆

白馬篇

誰家冶遊子捐軀事戎行白馬黃金羈驅馳赴朔方兜鍪既煨燬寶劍生光芒良弓懸鉢豁激矢藏縹囊仰天射鳬雁俯身射豺狼膂力已絕世捷黠誰能當邊風方慘冽壯士臨風僵躍馬入重圍生擒左賢王丈夫思報

國安肯思故鄉裹屍誠所願毋然悲死傷

君馬黃

君馬黃臣馬赤君馬馳驅臣馬辟易君馬登天關臣馬伏槽檻二馬同行一馬太息

臨高臺

臨高臺望故鄉下有流水流湯湯葦草萎靡萬木黃翻翻南雁來迴翔攬衣起徬徨美人不見兮斷我衷腸

怨歌行

當時匣中銅于今翳塵土當時篋中絲于今無寸縷磨鏡休使光綠絲休使長鏡光驚貌換絲長嬾緒亂對鏡與治絲兩者俱腸斷

江南弄

水肌皓魄紅羅襦鬱金裙帶懸流蘇連舟蕩漾臨澄湖臨澄湖連臂歌歡不來將奈何

龍笛曲

于闐玉管流哀音餘音寥亮水龍吟調繁指弱憂思深

欽定四庫全書

懷亭集

四

欽定四庫全書

懷亭集

五

憂思深涕洟瀾懷遠道催清顏

採蓮曲

蘭舟容與過橫塘步搖驚起雙鴛鴦羅裙帶濕生濃香  
生濃香紅汗滴生中流奏龍笛

遊女曲

羅衣半褪飄金縷約束纖腰五雜組日暮採芳臨洛浦  
臨洛浦鮮明珠望交甫心踟躕

朝雲曲

欽定四庫全書

懷才集  
卷一

六

朝雲日日陽臺上晝晚迷茫開綺帳襄王一去勞相望  
勞相望夢難醒湘水綠湘山青

風笙曲

纖指按節玉參差櫻唇緩吸聲遲遲吹儂無限心中悲  
心中悲望遠情何時吹雙鳳鳴

春日白紵曲

辛夷半落桃花開金羈寶瑟上春臺佳人倦倚闌干曲  
兩兩黃鶯飛相逐

夏日白紵曲

綠池風來滿菖香臨流照影見妍妝隔花忽聽郎歌調  
自取齊紈障巧笑

秋日白紵曲

庭槐初落秋氣深月中玉腕擣清砧東家倡婦恣行樂  
酒闌更說羅衣薄

冬日白紵曲

玉肌起粟寒相侵金壺美酒對君斟麝蘭香氣羅衾滿  
夜長轉覺氍毹煖

欽定四庫全書

懷才集  
卷一

七

烏栖曲

高樓四面栽楊柳白馬驪珂雙回首玉壺美酒任君沽  
妾身十五已當壚

微滅銀燈隔重幔宛轉嬌聲恣啼喚不辭今夕盡風流  
只愁明日見君羞

帳中弱態含嬌嫵一夜為雲更為雨汝南雜啼天未明  
與君還盡片時情

月銜半嶺燈將滅羅衫掩淚送君別入門獨自剔殘燈  
尋思無限夜來情

塞上曲

將軍出北平匈奴半道走鼓振天地昏令出風雷吼邊  
霜裂旌旗塞月寒刁斗繫俘受降城屯兵井陘口歸來  
見至尊自獻單于首

白頭吟

貌如雨中花節似霜中柏貌改節不移別君意悽惻解  
欽定四庫全書

慢亭集  
卷一

妾心如女羅君情如飛絮羅生空纏綿絮飛何處去解二

嫁君當紅顏解君當白首請君看鏡中雙鬢何如舊解三

死樹難再榮死灰難再熱寄語新離人莫遺頭如雪解四

含悲下中堂此情空脉脉君心能再回白頭應再黑解五

擣衣篇

皎月入房帷涼風吹衣襟遊子遠行役少婦鳴清砧良  
夜既以永懷人益以深孤鴻唳天際促織吟堂陰余亦  
別家久涕泣不能禁

妾薄命

南國有佳人容華世莫比嫁與東隣兒願言結生死良  
人輕別離匆匆辭故里朝醉閨闥門暮宿長安市新愛  
移平生恩情付流水欲促遠人歸裁書寄雙鯉遺之同  
心結魚以合歡被人匪金石堅容顏何足恃天涯君不  
歸河清難再俟

有所思

徙倚向花叢羅衣濕清露烏鵲隱茂林寒蟬抱高樹焚  
欽定四庫全書

慢亭集  
卷一

香理素琴聊以抒心悵美人期不來中宵淚如注

月色滿花陰花陰空佇立何以贈所離悲歌聊當泣

秋階蛩吟嚶嚶隣難急幽會杳無期空令長太息

慢亭集卷一

欽定四庫全書

幔亭集卷二

明 徐燭 撰

五言古詩

擬古

把袂登河梁秋風慘行色去去天一涯此心長惻惻酒  
般紛錯陳哽咽不能食思君有夢魂從君無羽翼浮雲  
方西馳義輪忽已匿微歎俱未伸相持空太息會而未  
欽定四庫全書

有期功名當努力

落日不迴照頽波無西流人生處世間倏忽如蜉蝣百  
年傷局促其憂乃千秋一朝時命盡悲風起松楸累累  
丘土中誰辨王與侯貴亦不必喜賤亦不必憂聖賢多  
微言達者聊與周斗酒相娛樂虛名安足謀  
閨房何淒清思君意如摛追恨當別時光景太草草愁  
歎積胸臆恍惚不能道別君未須更依然結懷抱安得

迴君車與君再傾倒

徙倚高樓上西北多浮雲浮雲望不極妄淚徒紛紛夫

夫思報國仗劍遠從軍十年遼水上生死不相聞

洛陽有異卉灼灼生路傍顏色如朝霞百步聞馨香五

陵多遊冶觀者如堵牆竟日歡不足東燭飛羽觴涼秋

降白露氣序回清商嗟哉此異卉倏忽無輝光容華不

足恃歡愛靡故常因之感薄俗意緒重慘傷

感遇

山居絕塵鞅衆慮寡所營長嘯谷聲應撫琴薰風生雲  
欽定四庫全書

流古洞濕雨過寒潭清年光自代謝草木隨枯榮且盡

杯中酒遑圖身後名

出門盡秋色策杖登寒山雲來幽徑迷風急衣裳單林

深豺虎嗥洞古虬龍蟠路遠人煙絕日晏不得餐蒿藜

蔽田野中心自悲酸噫吁望絕巘始知行路難不如歸

林臥長嘯賦倚闌

咏荆軻

荆卿一劍客擊筑游燕都許身太子丹生死誓不渝丈

夫報知已何惜此微軀悲歌度易水慷慨自驅車七首  
中銅柱非由劍街疎報秦雖不濟千載仰雄圖

### 薤露

日出何杲杲薤露不長保人生在世間豈能長壽考穰  
穰陌上塵離離墳畔草殤子與彭錢胡然較遲早瞻彼  
薤露晞感歎傷懷抱

### 詠懷

歲序如轉轂一去無還期形容久不逮臨鏡始嘆悲悠  
悠欽定四庫全書  
魏平集 卷二

悠夢寐間覺寤何其遼處世三十年履歷多險巇世事  
古猶今此意當自知奈何微脆軀與俗爭奔馳奔馳覺  
生累守靜性可怡老莊有明訓役役將何為

### 與陳汝大龍峰宴集

四郊散秋色層臺結夕陰孤碧出叢薄倦鳥投故林殘  
霞落酒杯微月照衣襟良朋式至止臨風諧賞心既蠟  
阮生屐復為梁父吟喟然發長嘯天外有餘音  
振衣陟龍頂石磴何鬼我松陰如車蓋亭亭山之阿深

巖逗秀色古樹垂女蘿醉來窮幽壑勃窣經危坡孤鴻  
唳天際野鳥當筵歌人生寡良和不飲將如何

### 遊圓峰閣

古閣枕溪濱年代已湮沒山勢何嶙峋溪聲無停歇老  
樹倚雲根寒泉溜山骨我來陟孤岑石徑蒼苔滑朝餐  
嶺上霞夜漱波心月處處煙景移步步清興發臨風開  
素襟空山坐超忽

### 東際亭晚眺

欽定四庫全書  
魏平集 卷二

虛亭蒼翠間烟霞變奇景微鐘起梵音空潭自清影行  
來竹靄深坐久松風靜冥然道心生條爾塵緣屏吟眺  
猶未闌殘陽在西巔

### 擬登天台山

晨興理輕策捫蘿登嶢峩荒榛隱烟霧絕巘摩霄杳  
聲灑飛瀑山容建霞標下有百丈潭冷冷喧石橋涼燠  
異巖壑雨暘變昏朝迴矚發清曠淨暑生涼飈倥佯詎  
云遠羨門猶可招騁此物外觀聽彼雲中謠微風奏天

籟淡雲綴輕綃結根比華岱幽邃同中條高情豁然暢  
塵襟亦已消安得遇至人與之同逍遙

春泛若耶

春風散藻景山水動微暄桂櫂泛蘭渚搖搖過前川汀  
花媚幽壑岸柳重輕端環洲屢迴複雜樹何續紛微波  
生鏡湖疎鍾來雲門揚帆意超忽汴流情孤騫迸葦  
荷脫隨波蘭芷繁和風駐瑤瑟落日沉金尊山川緬如  
故疇昔誰能存佳境豈易覩幽懷願無諼

欽定四庫全書

懷平集  
卷二

五

懷陳平夫

別子雖未久念子意何深攬衣立階除涼風吹素襟殘  
鍾度微月天籟雜悲吟盈盈一水隔悠悠千里心空山  
白雲滿六谿何處尋

寄題林晉伯別墅

夫子且遁世結廬居青門鳴泉瀉懸崖山光當層軒澹  
澹雲影疎設設松聲繁林密失寒嶼山深忘朝昏薄田  
足未黍幽澗多芳蓀柴門瞰清溪一徑通花源時時命

小舟去去過前村慨此丘中實忘彼朝市喧伊余秉微  
尚委懷在丘園安得相比隣長嘯醉山樊

登鼓山大頂

曉望劣前峰振衣涉莽莽樹色遠葱蘢縹緲空中響峭  
壁插蒼宮丹崖懸百丈鬼斧鑿鴻濛玄巖閎罔而我來  
叩崆峒素心懷孤往蘿蔓刺衣裾烟霞隨屨杖倚石漱  
清流頓令神骨爽薄暮日漸暝月印蒼苔上忽聞天籟  
鳴泠泠愜心賞願言脫塵纓不復絳世網

欽定四庫全書

懷平集  
卷二

六

贈陳价夫薦夫

明珠無連胎奇并寡並帶物類有如此無乃造化忌夫  
何六溪中產君兄與弟意氣傾時流詞華振當世顧盼  
生雄姿中原敢凌厲探討無勦勤玄心已超詣二陸久  
不興芳名爾當繼

劍浦送顧世卿

行行出劍津送君還東吳未能展嫵婉別離在須臾含  
涕牽君衣相視意踟躕我無雙飛翼何由與君俱君行



登青雲我尚蟠泥途相隔天一方法道路阻且迂會面雖  
有期祇恐容華殊悲風振原野怪鳥爭哀吟送君從此  
去回首日云瞶

晚渡淮水

孤帆涉淮水天氣苦寒泣積雪明長崖斜陽橫古渡漁  
燈隔浦來人烟數家聚前途多風塵故山隔雲樹栖栖  
問去津悠悠嘆行路遠涉猶未窮徘徊日將暮

田家雜興

欽定四庫全書

卷二

七

春風動郊墟村村事農務桑柘陰比隣鷓鴣鳴高樹訪  
舊入城稀持盃歸田暮雞犬識井間牛羊諳村路此中  
寡所營悠然有真趣

憩轉華卷

精廬傍人境虛寂無垢氛食施隔林鳥桷掛前山雲池  
光既澄潔香氣尤氤氲獼猴識戒律狸犬嫺腥羶談滌  
不顧返西嶺將斜照終當遠城市高卧解人羣

對月遵王元直不至

孤館寂無人寒威滿林樾天長鴈影遲露冷蛩聲歇當  
尊翠靄深倚杖蒼苔滑故人期不來惆悵花間月

春日山居招袁無競

晨起倦簪沐便覺日停午梁間燕哺雛竹外鷓鴣呼雨碧  
蘚盈階除幽花映窓戶裁詩招所驪愁心繞烟樹

送鄭業師之漢陽

春風吹柳枝處處鳴鷓鴣七十四老翁猶作天涯別若  
比少壯游此情倍嗚咽貧來褐不完老去頭如雪將非

欽定四庫全書

卷二

八

尚子懷辯豈君卿古出門扉所甘苦為饑寒迫相江道  
路長楚水烟波濶茲行毋滯淫門人望回轍

懷陳履吉久居山中

閑居居荒村寥寥誰與侶田叟時往還樵夫或共語吟  
思倚杖時釣憶臨流處高懷絕世氣閒心寄烟渚此別  
已徂秋涼風滿庭樹

懷沈從先

與君未傾蓋異門費相尋十日不能得啜哉誰知音故

人不我棄題書貽空林感此歲月異傷茲年髣髴家  
千古意悠悠萬里心花殘吳苑暮月落楓橋陰望君不  
可見思君空自深

答葛震甫

聞海與吳門相隔幾千里君雖吳門居又隔洞庭水不  
知賤子名何由入君耳雲中有片鴻江頭足雙鯉投來  
皆瑤瑤報之愧蘭芷臨風懷美人感歎胡能已

慰余宗漢喪子

欽定四庫全書

懷子集

九

一官不稱意拂衣遊五湖書空羞咄咄對酒呼烏鳥行  
年已半百有子啼呱呱丈夫恥內顧仗劍遵長途及君  
還故里歲月已云徂此兒風格異蹀躞稱家駒膝前還  
復著鯉庭時能趨昨日致書來云君殞其難知已為痛  
悼坐客同嗟吁有生本非有無生亦非無達生乃賢者  
西河非吾徒君今喪子後還如無子初金石有銷鑠况  
此脆弱軀古人齊彭殤此意良非迂造化誠小兒無為  
此拘拘

哭林遜膚先生

先人同時交什九泉下塵遺老獨有君條然返其真君  
今歸黃墟不患無所親世上少相識泉下多故人生交  
有聚散死交千萬春死者足相樂生者徒悲辛

喜微師自水西歸

開士從何來云自山中歸去住無定跡有如閒雲飛隨  
方皆淨土何處非禪機城市雖紅塵不染靜者衣

賦得華林暮雪

欽定四庫全書

懷子集

十

屏山何處遙精廬依北郭日暮寒風生曠野同雲作俄  
看雪片繁漸覺樵衣薄瑤華結珠璣玉屑飄金鐸跼跼  
雙樹林疑是天花落

望月有懷唐宗貞陳彥宗

微月入庭除疎松散清影山深嵐翠濃露落衣裳冷當  
時月下人蹤跡同萍梗對月思所驪此情空耿耿

劍浦送康元龍遊吳

余自吳門歸君望吳門去來往本無期延津忽相遇一